



Laura Tàunâjik
Inatsisartunut Ilaasortaq, Siumut

**Tasiilami pikkorissartarnerit ilinniarfillu pillugit § 37 naapertorlugu
apeqquteqaammut akissuteqaat.**

09-03-2017
Sagsnr.2017-4647
Dok. nr. 4634313
Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Asasara Laura Tàunâjik

Qujanaq Inatsisartut suleriaasiat naapertorlugu apeqquteqaatigisannut.
Apeqqutigisatit ataatsimut ataani akissavakka.

Apeqquteqaat 1: *Ukiup affaa maanna ingerlareersimalerput § 37 naapertorlugu
apeqquteqaatinnut 121/2016-imi Naalakkersuisut akissutimikkut
neriorsuimmata Kalaallisuuliornermik Ilinniarfik kajumissaarniarlugu Tasiilami
pikkorissaanissanik aallartisaqqullugit, taamatuttaaq Kommuneqarfik
Sermersooq inimik naleqquttumik pikkorissarfiusinnaasumik ujaarleqqullugu.
Naalakkersuisut neriorsuutitik naapertorlugit saaffiginnissimappat,
taamaasimappallu Naalakkersuisut sunik akissutisisimappat?*

Apeqquteqaat 2: *Kalaallisuuliornermik Ilinniarfik Aningaasaqarnermut
inatsisitigut ukiumoortumik 2,7 mio. kr.-inik tapiiffigitittarpoq. Assingusumik s.a.
Tasiilami namminersortumik tunumiut nammineq kalaallisuuliornermik
Ilinniarfittaassappata, ingerlatsinissamut aningaasartuutit qanoq
annertutigissagaluarpat? Aningaasaliissutissat annertussusissaat
assingussagaluarpat?*

Apeqquteqaat 3: *Tasiilami Ilinniarfissamik taamaattumik pilersitsisoqassappat
inuisinnaasunik attartuisoqarsinnaava, imaluunniit pilersinniarnani
sanaartornissamut aningaasartuuteqarnissaa naatsorsuutigeriissavarput -
taamassappallu sanaartornissamut aningaasartuutigiumaakkat qanoq
annertutiginissaat naatsorsuutigineqarpa?*

Akissuteqaat: Kalaallisuuliornermik Ilinniarfiup aqutsisui 2016-imi junimi Tasiilamiipput, Tunumiutut kalaallisuuliornermik pikkorissaanissamut periarfissat misissornissaat siunertaralugu.

Angalanermut atatillugu aqutsisut ilaatigut Tasiilami kommunip allaffia oqaloqatigaat, tamatumalu kingorna paasillugu Tasiilami pikkorissarnerit pineqartut aallartinnissaannut tunngavissaqartoq. Mersortarfik illulu tassunga atasoq ammerinermut mersornermullu atorsinnaapput.

Tamatuma malitsigisaanik Ilinniartitaanermut, Kultureqarnermut, Ilisimatusarnermut, Ilageeqarnermullu Naalakkersuisoqarfik Inuussutissarsiornermut, Suliffeqarnermut, Niuernermut Nukissiornermullu Naalakkersuisoqarfimmut PKU-mi pikkorissarnerit aningaasaliuttakkanik qinnuteqaammik nassitsivoq. Kisianni qinnuteqaat itigartinneqarpoq, isumaqartoqanngimmat pikkorissarnerit suliffissat aalajangersimasut naammattut pilersissagaat, nalilerneqarmallu pikkorissarnerit tassaaneruset kulturimik ataavartitsinissamik siunertaqarluni suliniutit. Taamaammatt pikkorissarnerit Kalaallisuuliornermik Ilinniarfiup ataani aallartinneqarsinnaanngillat.

Taamaattoq Naalakkersuisut piaarnerpaamik suleqatigiissitaq pilersinniarpaat, ilaatigut Tasiilami nunap immikkoortuani qitiusumi ilinniarfimmik naapertuuttumik pilersitsinissamut periarfissanik misissuisusaaq. Suliap tamatuma ingerlanerani suleqatigiissitap misissussavaa, Tunumiutut kalaallisuuliornermik periarfissaqassanersoq, pikkorissarnerinnaanani ilinniakkatulli. Suleqatigiissitap aammattaq qitiusumi ilinniarfimmik pilersitsinissamut naleqqiullugu aningaasaqarnermut tunngasut misissussavai.

Inussiarnersumik inuulluaqqusilluta


Doris Jakobsen